

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10), a u vezi sa članom 2. Odluke o načinu korištenja sredstava dobijenih na osnovu naknada za obavljene tehničke preglede („Službene novine Zeničko-dobojskog kantona”, broj 4/08), te članom 32. i 51. Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona”, broj 15/13), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 147. sjednici, održanoj 06.02.2014. godine, d o n o s i

## **ZAKLJUČAK**

### **I.**

Usvaja se Program utroška sredstava dobijenih na osnovu naknada za obavljene tehničke preglede vozila za 2014. godinu, Ministarstva za prostorno uređenje, promet i komunikacije i zaštitu okoline, u ukupnom iznosu od 60.000,00 KM (slovima: šezdesethiljada konvertibilnih maraka).

### **II.**

Program iz tačke I. ovog zaključka je sastavni dio ovog zaključka.

### **III.**

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

### **IV.**

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

### **V.**

Zaključak stupa na snagu danom donošenja.

Broj: 02-\_\_\_\_\_/14.

Datum, 06.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1 x Ministarstvo za prostorno uređenje,  
promet i komunikacije i zaštitu okoline,  
1 x Ministarstvo finansija,  
1 x a/a.

**PROGRAM**  
**utroška sredstava dobijenih na osnovu naknada za**  
**obavljene tehničke preglede vozila za 2014. godinu**

**I.**

**Naziv programa:** Program utroška sredstava dobijenih na osnovu naknada za obavljene tehničke preglede vozila za 2014. godinu.

**Svrha programa:** Sredstva će se koristiti za realizovanje programa unapređenja vršenja kontrole tehničke ispravnosti vozila na stanicama, odnosno unapređenja djelatnosti rada stanica za tehničke preglede vozila na području Zeničko-dobojskog kantona, obrazovne i edukativne aktivnosti sa ciljem podizanja nivoa općeg znanja iz oblasti prometa, te unaprijeđenje cestovnog prometnog sistema i provođenje djelotvorne prometne politike a sve u cilju stvaranja uslova za sigurno odvijanje cestovnog prometa.

**Visina sredstava:** 60.000,00 KM

**Vrsta prihoda:** 722424 - prihod utvrđen Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH”, broj 29/06, 46/06, 8/07 i 97/07), a u vezi sa članom 7. stav 4. Pravilnika o naknadama za tehnički pregled vozila i drugim poslovima koji se obavljaju u stanicama za tehnički pregled („Službene novine Federacije BiH”, broj 51/06, 26/07, 70/07 i 4/10). Sredstva se uplaćuju na račun javnih prihoda Budžeta Zeničko-dobojskog kantona otvoren kod I.K. banke d.d. Zenica broj 1340100000001672.

Budžetom Zeničko-dobojskog kantona za 2014. godinu utvrđena je visina sredstava u ukupnom iznosu od 60.000,00 KM. Ukupna sredstva u iznosu od 60.000,00 KM planirana su na razdjelu 19, budžetska organizacija 01, potrošačka jedinica 0001, na slijedećoj budžetskoj poziciji:

- ekonomski kod - 613900 - “Ugovorene usluge” u iznosu od 10.000,00 KM,
- ekonomski kod - 614300 - “Grant neprofitnim organizacijama” u iznosu od 20.000,00 KM,
- ekonomski kod - 821300 - “Nabavka opreme” u iznosu od 30.000,00 KM.

**II.**

Planirana sredstva iz tačke I. ovog Programa utrošit će se na realizaciju projekata kako slijedi:

**1. Naziv projekta:** Ugovorene usluge za realizaciju aktivnosti iz oblasti cestovnog prometa

**Planirani iznos:** 10.000,00 KM

**Cilj projekta:** Realizacija aktivnosti iz oblasti cestovnog prometa, s ciljem da se promoviše značaj djelatnosti rada stanica tehničkog pregleda radi podizanja nivoa svijesti o značaju tehničke ispravnosti vozila sa aspekta očuvanja i unapređenja zaštite životne okoline, kao i priprema i izrada raznih promotivnih materijala, informisanje javnosti, razne usluge medija, stručno obrazovanje, angažovanje stručnih lica i druge slične usluge.

**2. Naziv projekta:** Grant za projekte neprofitnih organizacija

**Planirani iznos:** 20.000,00 KM

**Cilj projekta:** Podrška održavanju znanstveno-stručnih skupova, te sprovođenje drugih projekata edukativnog karaktera s ciljem podizanja nivoa općeg znanja iz oblasti cestovnog prometa u skladu sa Zaključkom Vlade Zeničko-dobojskog kantona.

**3. Naziv projekta:** Nabavka automatskih brojača prometa

**Planirani iznos:** 30.000,00 KM

**Cilj projekta:** Nabavkom automatskih brojača prometa uspostaviti će se sistem brojanja prometa na regionalnim cestama Zeničko-dobojskog kantona. Brojanje prometa čini sistemsko prikupljanje podataka o prometnom opterećenju i strukturi prometnoga toka (sastavu prometnog toka prema vrstama vozila), te o promjenama prometa u prostoru i vremenu na cestovnoj mreži.

Mjesto prikupljanja podataka jeste lokacija brojanja. Podaci o prometnim tokovima na mreži javnih cesta predstavljaju osnovne informacije za donošenje odluka o budućem razvoju i eksploataciji cestovne mreže, te jedan od osnovnih ulaznih parametara za kvalitetnu izradu strategije poboljšanja uvjeta prometa i sigurnosti na postojećoj mreži, kao izuzetno značajnog dokumenta. Bez tačno utvrđenih podataka o prometnim tokovima na cestovnoj mreži nemoguće je upravljanje cestovnim prometnim sistemom. Brojanje prometa ima veliki značaj u funkcionalnom razvoju cestovnog i ukupnog prometnog sistema. Naime, imajući u vidu odredbe Uredbe o visini naknade za korištenje zemljišta uz javne ceste („Službene novine Federacije BiH”, broj 7/11), brojanje prometa i dobiveni podaci koristit će se za utvrđivanje visine naknade za korištenje zemljišta uz javne ceste, a s ciljem zaštite istih. Naprijed navedeno je u uskoj vezi sa odredbom člana 3. Odluke o načinu korištenja sredstava dobijenih na osnovu naknada za obavljene tehničke preglede („Službene novine Zeničko-dobojskog kantona”, broj 4/08), kojom je propisano preventivno djelovanje i unapređenje djelatnosti rada stanica za tehničke preglede vozila, a sve u cilju povećanja stepena sigurnosti odvijanja prometa.

U 2013. godini je nabavljena oprema i programske aplikacije, te je uspostavljen sistem neprekidnog automatskog brojanja prometa na dvije lokacije uz regionalne ceste R 441 Zenica-Vjetrenice i R 445 Kakanj-Visoko. U ovoj godini izvršiće se samo nabavka opreme u skladu sa Studijom definisanja makro i mikro lokacija brojača prometa na postojećoj regionalnoj mreži saobraćajnica u nadležnosti Direkcije za ceste Zeničko-dobojskog kantona.

Shodno odredbama Zakona o javnim nabavkama, u saradnji sa Kantonalnom direkcijom za ceste, realizovat će se zajednička nabavka.

Broj: 02-\_\_\_\_\_/14.

Datum, 06.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

- 1x Ministarstvo za prostorno uređenje,  
promet i komunikacije i zaštitu okoline,
- 1x Kantonalna direkcija za ceste,
- 1x Ministarstvo finansija,
- 1x a/a.